



myns siegels heruff gedrucket, uff mondael dez zweeten dagis in septembre, anno etc. XLIII.

12.

1443, 5. September.

Ernst, graefe von Glichen, herre zcu Blanckenhayn, Apil Vitzthumb, ritter, Jorge von Bebenburg, und Eckarius Schotte, ritter, rete und diener der herzcogen von Sachsen etc., wir ir uch den bewant zcu sin nennet von vil bevels und ampten. Mir Rouprecht, graefen zcu Virnenburg, stathelder des hoichgeborn groissmechtigen fursten und hern myns gnedigen lieben hern dez herzcogen von Bourgundien, von Brabant und von Lymburg etc., vurmontir myner gnedigen frauwen von Beyeren in yrem lande von Lutzenburg und graschaft Chyny, ist uff nehsten vergangen dinstag nach deme mittage eyn uwir offen brieff und antwort bis zcu Arle von urem fendebotten geantwort worden, desselben dagis ich uch ouch zcu ure moitwilligen viantschafft eyne versiegelte antwort ussgesant hatte; wo ir die entfangen hait, wiest ir nu woil. In derselbir mynre antwort versteet ir vil mynre meynunge uff uwer zewifaltige vusnemen und moitwillige vede; da lass ich daz ouch noch bie bliben; ir berurent^{a)} vil von geloderen den eren und dez rechts und zcihent uch selbist czu mir ger follenclich geboden zcu haben, daan lobt ir uch selbist. Fortir, dan ich meynne, andere daz verstaen werdent bedoncken sulle, ich han myns rechten nyt zcu mymer erkentnisse odir woilgefallen gestalt, dan ich schriben uch, daz ich meynen, ich habe uwir rechtgebode verne und lanck genoich zcu uwerm furteil und begeren uffgenommen und ingegangen gewest und mich ouch erbotten, fortir dan mir geburet odir noit gewest habe, vurdeme ee ir mir uwere viantschafft zeschriebent und umb dieselbe [sache, der ich mich mit uch zcu eren und rechte zcu verusseren ergeben und mich schriftiglich na mynre beduncken mit uch vereyniget hatte. Ir endencket mir ouch nu etwas fortir, danne ich vur verstanden hette, wie myn hern von Sachsen me lande haben dan Sachssen, Doringen und Miessen und ouch sust viel manne, diener und anderen, die yme zuvers rechen stient etc. Dann verstan ich erst uwer ufsatz und vurnemen; doch han ich uch vurgeantwort, ich enhab yre ansproch nye gehort und hette mich dez dadurch billich zcu entlagen gehatt; doch off ir it dabie gelassen hette und darubir mit uwer viantschafft dez usstragis neyt vurfluchtig wurden enweret, hatte ich mich als follenclich zcu eren und rechte erboiden, daz ich meynen, es sulle allen fromen und onpartheiligen fursten, hern und guden mannen, vur die ir komen weirt, genoich und zcuviel doncken

^{a)} werent, DW.